



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA

SIPPO 
Swiss Import Promotion Programme



EUDR

**Uredba EU broj 2023/1115
o deforestaciji (krčenju)
i degradaciji šuma**

**Ključna pitanja i smjernice, kontekst, ciljevi, rokovi,
obaveze i odgovornosti u vezi sa**

**PALMINIM ULJEM, SOJOM, KAKAOM, KAFOM,
KAUČUKOM, GOVEDIMA I POVEZANIM PROIZVODIMA**



PRIVREDNA/GOSPODARSKA KOMORA
FEDERACIJE BOSNE I HERCEGOVINE
CHAMBER OF ECONOMY OF THE FEDERATION OF BOSNIA AND HERZEGOVINA



PRIVREDNA KOMORA
REPUBLIKE SRPSKE

Ovom brošurom želimo upoznati zainteresovane strane u Bosni i Hercegovini sa novim zakonskim propisima i zahtjevima EU u vezi sa deforestacijom (krčenjem) i degradacijom šuma u svijetu.

*Projekat je urađen u saradnji
Vanjskotrgovinske/Spoljnotrgovinske komore BiH,
Privredne Komore RS i
Privredne/Gospodarske komore FBiH,
a uz tehničku podršku SIPPO-a.*

Sadržaj

Skraćenice korišćene u brošuri.....	3
Upoznavanje sa zahtjevima – ideja EUDR-a	4
Svrha i ciljevi EUDR-a	5
Relevantna roba povezana sa EUDR-om	6
Uticaj Evropske unije na uništavanje šuma	6
Početak primjene EUDR-a	7
Rokovi EUDR-a	7
Na koje subjekte se odnosi Uredba?	8
Kako se EUDR projektuje na preduzeća van Evropske unije?	8
Kako utvrditi da li roba podliježe EUDR-u?	9
Istaknuti dijelovi Uredbe	11
Ključne uloge i odgovornosti	13
Informacije potrebne za Informacioni sistem EU	14
Specifični koraci za usaglašavanje	15
Primjer usaglašavanja za kafu.....	16
Unos podataka u Informacioni sistem EUDR-a	18
Sankcije.....	18
Praćenje promjena u vezi sa EUDR-om	19

Skraćenice korišćene u brošuri

EORI – (engl. Economic Operators Registration and Identification), registracioni i identifikacioni broj privrednog subjekta

EU – Evropska unija

EUDR – Uredba (EU) 2023/1115 Evropskog parlamenta i Savjeta o stavljanju na raspolaganje na tržište Unije i izvozu iz Unije određene robe i određenih proizvoda povezanih sa deforestacijom (krčenjem) i degradacijom šuma i o stavljanju van snage Uredbe (EU) br. 995/2010

EUDR (10) – deset relevantnih grupa proizvoda koji nisu dio EUTR-a

EUTR (16) – 16 relevantnih grupa proizvoda koji su dio EUDR-a

EUTR – Uredba (EZ) 995/2010 Evropskog parlamenta i Savjeta kojom se utvrđuju obaveze subjekata koji stavljaju na tržište drvo i proizvode od drveta

FSC™ – Forest Stewardship Council™ je globalna, neprofitna, nevladina organizacija posvećena promovisanju ekološki primjerenog, društveno korisnog i ekonomski isplativog gazdovanja svjetskim šumama

IT sistem – Informacioni sistem EUDR-a

MSP – (engl. SME), mikro, mala i srednja preduzeća (prema članu 3. Uredbe 2013/34/EU Evropskog parlamenta i Savjeta)

Upoznavanje sa zahtjevima – ideja EUDR-a

Evropska Uredba 2023/1115 o deforestaciji (krčenju) i degradaciji šuma (EUDR) je ključni zakon Evropske unije koji doprinosi smanjenju krčenja i propadanja šuma u svijetu.

EUDR navodi 40 definicija koje se moraju koristiti za potrebe usaglašavanja sa EUDR-om, bez obzira na definicije navedene u zakonodavstvu matične države. Tri krovne definicije su:

Šuma – površina se smatra „šumom“ kada je primjenjivo:

- površina veća od 0,5 hektara (kada površina stabala opisana obimom pokrivenosti krošnjama iznosi 0,5 hektara ili više),
- stabla viša od 5 metara (kada vrh stabala dostiže prosječnu visinu od 5 metara ili više),
- krošnje koje pokrivaju više od 10% površine (kada je pokrivenosti krošnjama stabala koja čine sastojinu stabala i područja na kojem se nalazi sastojina stabala veća od 10%),
- stabla koja mogu dostići te vrijednosti in situ (na licu mjesta) – kada na površini sa mladim stablima koja još nisu dostigla, ali se očekuje da će dostići pokrivenost krošnjama od 10% i visinu drveća od 5 metara,
- isključuje se zemljište koje uglavnom služi za upotrebu u poljoprivredne svrhe ili koje se uglavnom upotrebljava kao urbano zemljište (parkovi i sl.).

Deforestacija – prenamjena šume za upotrebu u poljoprivredne svrhe, bez obzira na to da li je prenamjena uzrokovana ljudskim djelovanjem ili ne.

Degradacija šuma – strukturne promjene šumskog pokrivača, u obliku prenamjene prirodno obnovljene šume sa autohtonim vrstama drveća.

Imajući u vidu da u svijetu:

- šume obezbjeđuju egzistenciju i prihode za približno 1/3 svjetskog stanovništva,
- uništavanje šuma ima ozbiljne posljedice na sredstva za život najranjivijih lica,
- borci za ljudska prava u oblasti zaštite životne sredine često su izloženi progonu sa smrtnim ishodom,
- deforestacija i degradacija šuma odvijaju se zabrinjavajućom brzinom, a to utiče na emisiju CO₂, sama deforestacija uzrokuje 11% emisija gasova staklene bašte,
- uništavanjem šuma dolazi do gubitka biološke raznovrsnosti – ključa za otpornost ekosistema i njihovih usluga na lokalnom i globalnom nivou,
- veliki dio deforestacije koja je u toku često je u skladu sa zakonodavstvom u državi proizvodnje,

Evropska unija putem EUDR-a želi da doprinese, prioritetno, smanjenju krčenja i propadanju šuma u svijetu.

Svrha i ciljevi EUDR-a

Prepoznato je da bi Evropska unija bez EUDR-a do 2030. godine potrošnjom sedam vrsta relevantne robe (i izvedenih relevantnih grupa proizvoda) uticala na uništavanje približno **250.000 hektara šuma godišnje u svijetu.**

Očekuje se da ovom Uredbom u svim lancima snabdijevanja postoji privredni subjekat sa registracijom u Evropskoj uniji (povezan sa navedenom robom) koji može **da se smatra odgovornim** u slučaju neispunjavanja obaveza iz EUDR-a.


Relevantna roba povezana sa EUDR-om

Uredba se odnosi na proizvode koji sadrže relevantnu robu, koji su hranjeni relevantnom robom (u slučaju goveda) ili su proizvedeni uz upotrebu sedam vrsta relevantne robe:



Uticaj Evropske unije na uništavanje šuma

Procijenjeni uticaj relevantne robe u svijetu je sljedeći:



Početak primjene EUDR-a

EUDR se ne primjenjuje na relevantne proizvode koji su proizvedeni prije 29. juna 2023. godine i na zemljištu na kojem nije bilo deforestacije poslije 2020. godine.

- Uredba je stupila na snagu 29. juna 2023. godine
- Period od 18 mjeseci za usaglašavanje
- Početak primjene (osim za MSP preduzeća) prolongiran sa 30. decembra 2024. na 30. decembar 2025. godine
- Početak primjene za MSP preduzeća prolongiran sa 30. juna 2025. na 30. juni 2026. godine

Rokovi EUDR-a

EUDR za relevantnu robu navodi sljedeći broj relevantnih kategorija: palmino ulje – 12, soja – 4, kakao – 6, kafa – 1, kaučuk – 12 i goveda – 10.

- Relevantna roba i relevantni proizvodi proizvedeni **prije** 29. juna 2023. godine i **plasirani u Evropsku uniju bilo kada ne moraju** biti u skladu sa EUDR-om.
- Relevantna roba i relevantni proizvodi proizvedeni **poslije** 29. juna 2023. godine i plasirani u Evropsku uniju **prije** 30. decembra 2025. godine (MSP **prije** 30. juna 2026. godine) **ne moraju** biti u skladu sa EUDR-om.
- Relevantna roba i relevantni proizvodi proizvedeni **poslije** 29. juna 2023. godine i plasirani u Evropsku uniju **poslije** 30.

decembra 2025. godine (MSP **poslije** 30. juna 2026. godine) **moraju** biti u skladu sa EUDR-om.

Na koje subjekte se odnosi Uredba?

Uredba se odnosi na sve privredne subjekte (svako fizičko ili pravno lice koje u okviru privredne djelatnosti stavlja relevantne proizvode na tržište ili ih izvozi) registrovane u Evropskoj uniji koji stavljaju na tržište sedam vrsta relevantne robe i proizvode povezane sa relevantnom robom:

1. evropski privredni subjekti koji uvoze robu u države Evropske unije,
2. evropski privredni subjekti koji izvoze robu iz država Evropske unije,
3. promet robom između privrednih subjekata u državama Evropske unije.

Stavljanje na tržište znači prvo stavljanje relevantne robe ili relevantnog proizvoda na raspolaganje na tržište Evropske unije.


Kako se EUDR projektuje na preduzeća van Evropske unije?

EORI sistem (Economic Operators Registration And Identification System) je sistem elektronske registracije i identifikacije privrednih subjekata i drugih lica koji u okviru svog poslovanja obavljaju djelatnosti obuhvaćene carinskim zakonodavstvom Evropske unije.

Privredni subjekti koji izvoze svoju robu u Evropsku uniju ne moraju imati svoj EORI broj i ne moraju se prijavljivati u Informacioni sistem EU u vezi sa EUDR-om, mada, u praksi, pojedini kupci iz Evropske unije to traže od izvoznika.

Prilikom izvoza robe koja je pokrivena EUDR-om, izvoznik mora da dokaže ispunjavanje minimalnih kriterijuma:

- zahtjeva legalnosti porijekla izvora robe
- poštovanje društvene odgovornosti
- realizovanje aktivnosti koje ne dovode do krčenja ili do degradacije šuma
- geolokaciju drveta u trenutku nastanka žetve*
- sljedivost robe od sirovine do trenutka izvoza
- dužnu pažnju (due diligence)
- analizu rizika – procjenu rizika – smanjenje rizika
- čuvanje pet godina određenih informacija o dobavljačima i kupcima



* Privredni subjekti koji stavljaju na tržište Evropske unije proizvode dobijene od goveda moraju geolocirati sve objekte povezane sa gajenjem goveda (mjesto rođenja/telenja, poljoprivredna gazdinstva na kojima su hranjena, pašnjake, klaonice).

Kako utvrditi da li roba podliježe EUDR-u?


EUDR obavezuje subjekte uključene u lanac nabavke obuhvaćene relevantne robe i proizvoda proizašlih iz te robe.

Ako i dalje nije jasno da li je proizvod u obimu, prijedlog je da se svaki proizvod procjeni prema sljedećim kriterijumima:

- 1) Da li je relevantni proizvod napravljen od jedne od obuhvaćene robe?
- 2) Da li relevantni proizvod koristi jedan od HS kodova obuhvaćenih Aneksom I?

Ako je odgovor na oba pitanja potvrdan, proizvod je pokriven zahtjevima EUDR-a.

Ako je odgovor na bilo koje pitanje negativan, proizvod nije pokriven zahtjevima EUDR-a.



Istaknuti dijelovi Uredbe

- Proizvodi kojima se trguje u rasutom stanju ili kompozitni proizvodi su povezani sa relevantnim proizvodom bez obzira na prisustvo druge relevantne robe u proizvodu (primjer: sapun ne podliježe Uredbi iako sadrži palmino ulje pošto sapun nije naveden kao relevantni proizvod).
- Proizvodi koji nisu obuhvaćeni područjem primjene a sadrže robu obuhvaćenu područjem primjene ne podliježu Uredbi (primjer: kobasice od goveđeg mesa, pića na bazi kafe i sl.).
- Parcela zemljišta je „zemljište u okviru jedne nepokretnosti“ - može da bude i dio parcele.
- Geolokacija zemljišta površine veće od četiri hektara opisuju se poligonom za svu robu osim za goveda. Objekti povezani sa govedima (mjesto telenja, poljoprivredni objekti gdje su držana, pašnjaci, klaonice...) obilježavaju se jednom tačkom.
- Period proizvodnje za relevantne proizvode u okviru robe „goveda“ odnosi se na životni vijek životinja od trenutka rođenja (telenja) do trenutka klanja.
- Roba koja se proizvodi u Evropskoj uniji podliježe istim zahtjevima kao i roba koja se proizvodi van Evropske unije.
- Relevantna roba koja se plasira na tržište Evropske unije u prelaznom periodu (do 30. decembra 2025. godine) ne mora biti povezana sa geolokacijom. Za upotrebu u proizvodnji relevantnog proizvoda poslije 30. decembra 2025. godine obaveze privrednog subjekta (trgovca) biće da obezbijedi dovoljno uvjerljive i provjerljive dokaze da je relevantna roba stavljena na tržište EU prije početka primjene EUDR-a.
- Uredba određuje da se mogu izmijeniti lista relevantnih proizvoda i opisi proizvoda. Prvo preispitivanje očekuje se u


roku od dvije godine od stupanja na snagu EUDR-a (pratiti izmjene).

- Prijavljeno mjesto proizvodnje soje treba da obuhvati mjesta proizvodnje sve robe koja je ušla u silos otkada je zadnji put ispražnjen.
- Ako se silosi ne prazne redovno, za robu koja je ušla u silos u nekom periodu (do najmanje 200% kapaciteta silosa) potrebno je navesti geolokacije mjesta proizvodnje sve prethodne robe (u slučaju sistema „prvi ulaz – prvi izlaz“).
- Uzorci proizvoda u cilju dobijanja porudžbina za vrste robe koju predstavljaju ili koji treba da se podvrgnu ispitivanju, analizi ili testiranju radi utvrđivanja karakteristika, ne podliježu Uredbi.
- Obaveze dužne pažnje primjenjuju se na „lica“, bez obzira na to da li su članovi grupe preduzeća ili ne.
- Privredni subjekti van EU mogu da pristupe Informacionom sistemu samo ako imaju EORI broj.
- Iznajmljivanje relevantnih proizvoda ne podliježe Uredbi.
- Dokumentacija se treba čuvati pet godina od dana kada je Izjava dostavljena u Informacioni sistem, što je prije datuma stavljanja proizvoda na tržište Evropske unije (u slučaju uvoza ili trgovine u Evropskoj uniji ili njegovog izvoza).
- Moguće je unijeti mjesto proizvodnje koja se sastoji od više koordinata u više zemalja.

Neto masa u Izjavi dužne pažnje odnosi se na masu cijelog proizvoda (ne samo na dio relevantne robe u proizvodu), isključujući bilo kakve materijale za pakovanje.

Ključne uloge i odgovornosti

- Sve **organizacije** (privredni subjekti) registrovane u Evropskoj uniji povezane sa navedenih 7 vrsta robe imaju obaveze i odgovornosti prema EUDR-u.
- **Evropska komisija** sa svojim tijelima:
 - uspostavlja Informacioni sistem za potrebe EUDR-a,
 - određuje stepene rizika za svaku državu,
 - preispituje efikasnost EUDR-a,
 - kontroliše primjenu EUDR-a.
- **Carinski organi** potvrđuju usaglašenost na osnovu podataka iz Informacionog sistema.
- **Nadležno tijelo** svake države Evropske unije:
 - primjenjuje EUDR u svojoj državi,
 - može definisati pragove za mala preduzeća,
 - sprovodi provjere učesnika u EUDR-u,
 - povlači neusaglašene proizvode.



Informacije potrebne za Informacioni sistem EU

Prije plasiranja relevantnih proizvoda na tržište ili njihovog izvoza, privredni subjekti (kupci iz Evropske unije) moraju da postupaju sa dužnom pažnjom u pogledu svih relevantnih proizvoda koje isporučuje svaki pojedini dobavljač.

Dužna pažnja je okvir postupaka i mjera koji uključuje:

1. procedure za prikupljanje podataka,
2. procedure za procjenu rizika koji privrednom subjektu omogućavaju da analizira i procijeni rizik stavljanja u promet nezakonitog proizvoda,
3. procedure za ublažavanje ili smanjenje rizika.

Postupanje sa dužnom pažnjom

1. Prikupljanje podataka o dobavljačkim lancima, uključujući:
 - državu proizvodnje,
 - geolokaciju katastarske parcele,
 - datum ili vrijeme proizvodnje,
 - podatke o vrsti drveta,
 - informacije o dobavljačima i kupcima.
2. Procjena rizika
 - U zemljama sa „niskim rizikom” omogućeno je pojednostavljeno postupanje sa dužnom pažnjom.
 - Za zemlje sa „standardnim” i „visokim rizikom” potrebna je procjena rizika.
3. Smanjenje rizika
 - Smanjenje rizika tamo gdje je utvrđen rizik koji je zanemarljiv.

Za države koje su svrstane u kategoriju niskog rizika potrebno je samo prikupljanje podataka o dobavljačkim lancima.

Kategorije rizika periodično se preispituju (pratiti izmjene).

Specifični koraci za usaglašavanje


1. Provjeriti da li su vaša prava na upravljanje zemljištem uspostavljena i registrovana u skladu sa zakonom, da li imaju jasne granice.
2. Pridržavati se svih zakonskih zahtjeva za korišćenje zemljišta, dokumentovati plan gazdovanja, operativne aktivnosti (proizvodnju).
3. Poštovati zakone o upotrebi hemikalija, upravljanje otpadom, korišćenju vode i zaštiti zemljišta.
4. Plaćati sve potrebne naknade i takse, uključujući autorska prava, te sve propisane poreze.
5. Napraviti spisak inventara vaše robe i/ili obim proizvoda.
6. Pregledati svoj trenutni sistem dužne pažnje u skladu sa zahtjevima EUDR-a – uraditi ga ako ne postoji.
7. Pripremiti se zajedno sa svojim lancem snabdijevanja.
8. Pripremiti plan za sigurnu razmjenu podataka sa trgovačkim partnerima.
9. Kontaktirati trenutne i potencijalne kupce vaše robe u Evropskoj uniji – predložiti da kontaktiraju ovlašćeno tijelo sa zahtjevom o potrebnim informacijama.
10. Obratiti pažnju na kupce iz država gdje su imenovana dva ili tri nadležna tijela za praćenje EUDR-a – sugerisati kupcu da se informiše kod svih tijela.
11. Kupci iz Evropske unije trebaju da definišu svoje zahtjeve prema vama.
12. Ovlašćena tijela u državama Evropske unije se mijenjaju – pratiti izmjene.
13. Njemačka je najavila „mini“ Informacioni sistem EUDR-a za svoje privredne subjekte – pratiti.

14. Tražiti da se vaši kupci izjasne da li su mikro, mala, srednja ili velika preduzeća (prema zakonima Evropske unije).
15. Sagledati mogućnost sertifikacije treće strane: FSC™ za kaučuk, RSPO za palmino ulje.

Primjer usaglašavanja za kafu

Potrebne **informacije*** - za kafu koju izvoznik iz BiH prodaje uvozniku u Evropskoj uniji, potrebni su dokazi da nema krčenja šuma na površinama gdje je kafa proizvedena:

- mapiraju se plantaže (geolokacije svih parcela na kojima je proizvedena kafa),
- prikupljaju se dokazi o opisu - nazivu kafe,
- obezbjeđuju se podaci o:
 - količini kafe,
 - državi proizvodnje, datumu (periodu) proizvodnje,
 - nazivu, poštanskoj i e-adresi svakog preduzeća koje je isporučilo kafu i
 - nazivu, poštanskoj i e-adresi svakog preduzeća kome je isporučena kafa,
- prikupljaju se informacije o tome:
 - da kafa nije povezana sa deforestacijom i
 - da je kafa proizvedena u skladu sa zakonodavstvom države proizvodnje.



Unos podataka u Informacioni sistem EUDR-a

Privredni subjekat sa registracijom u Evropskoj uniji (povezan sa navedenom robom) unosi podatke (Izjavu o dužnoj pažnji) u Informacioni sistem.

Otkazivanje ili izmjena podnijete Izjave o dužnoj pažnji biće moguće u roku od 72 sata nakon što sistem obezbijedi referentni broj za dužnu pažnju. Suspenzija treba da se završi u roku od tri radna dana. Suspenzija može da se produži za dodatna tri dana kako bi se utvrdilo da li su proizvodi usaglašeni sa EUDR-om.

Informacije unositi u Informacioni sistem (preporuka) 7 dana ranije u odnosu na očekivano vrijeme prelaska granice.

Sankcije

Države Evropske unije utvrđuju pravila o sankcijama koje se primjenjuju u slučaju nepoštovanja ove Uredbe i preduzimaju se potrebne mjere radi obezbjeđenja sprovođenja.

Države obavještavaju Evropsku komisiju o primijenjenim pravilima i mjerama i odmah je obavještavaju o svim dodatnim izmjenama koje na njih utiču.

Predviđene sankcije uključuju:

- novčane kazne koje se mogu postepeno povećavati u slučaju ponovljenih kršenja, oduzimanje ekonomske koristi stečene kršenjem EUDR-a. Iznos može biti i viši od iznosa moguće stečene ekonomske koristi,
- uklanjanje određenih proizvoda,
- privremeno isključenje iz postupaka javne nabavke,

- privremenu zabranu pristupu javnom finansiranju, uključujući postupke nadmetanja, nepovratna sredstva i koncesije,
- privremenu zabranu stavljanja proizvoda na tržište ili njihovog izvoza u slučaju teškog kršenja ili ponovljenih kršenja,
- zabranu primjene pojednostavnjenog postupanja sa dužnom pažnjom u slučaju teškog kršenja ili ponovljenih kršenja.

Evropski uvoznik proizvoda čije je porijeklo van područja Evropske unije će od svojih dobavljača zahtijevati garancije.

Garancijama se potvrđuje da su informacije jasne, tačne, precizne i provjerljive zato što uvoznik garantuje (odgovara) nadležnim organima Evropske unije u slučaju kršenja EUDR-a.

Praćenje promjena u vezi sa EUDR-om

Evropska komisija:

<https://circabc.europa.eu/ui/explore>

Vijesti Evropske komisije:

<https://ec.europa.eu/commission/presscorner/home/en>

Propisi o proizvodima koji ne uzrokuju krčenje šuma:

https://green-business.ec.europa.eu/deforestation-regulation-implementation_en

EUDR Uredba 2023/1115:

<https://eur-lex.europa.eu/legal-content/EN/TXT/?uri=CELEX%3A32023R1115&qid=1687867231461>

Relevantna roba i relevantni proizvodi Uredbe (Aneks I):

<https://eur-lex.europa.eu/legal-content/hr/TXT/?uri=CELEX%3A32023R1115&qid=1687867231461-d1e32-243-1>

Klasifikacija država prema kategoriji rizika:

https://green-forum.ec.europa.eu/nature-and-biodiversity/deforestation-regulation-implementation/eudr-cooperation-and-partnerships/country-classification-list_en

EUDR imenovani nadležni organi:

<https://circabc.europa.eu/ui/group/34861680-e799-4d7c-bbad-da83c45da458/library/f044a917-4640-4169-ad0a-d63609cfca55/details>

Sistem sertifikacije drveta, papira i gume:

<https://adria-balkan.fsc.org/en/eu-legislation/eudr>

EUDR smjernice za Uredbu (EU) 2023/1115:

https://eur-lex.europa.eu/legal-content/HR/TXT/PDF/?uri=OJ:C_202504524

EUDR najčešće postavljana pitanja (FAQ):

<https://circabc.europa.eu/ui/group/34861680-e799-4d7c-bbad-da83c45da458/library/e126f816-844b-41a9-89ef-cb2a33b6aa56/details>

EUDR vodič za jedinice mjere:

<https://circabc.europa.eu/ui/group/34861680-e799-4d7c-bbad-da83c45da458/library/d3b529b5-f62b-4b9f-abad-29f22e828a9b/details>

Uredba o funkcionisanju IT sistema Evropske unije:

https://eur-lex.europa.eu/legal-content/HR/TXT/PDF/?uri=OJ:L_202403084

EUDR korisnički vodič za Informacioni sistem:

<https://circabc.europa.eu/ui/group/34861680-e799-4d7c-bbad-da83c45da458/library/aa55d53f-a605-4d8d-8fce-1594abab3a40/details>

Relevantna dokumentacija za Informacioni sistem:

https://green-business.ec.europa.eu/deforestation-regulation-implementation/deforestation-due-diligence-registry_en

Link za pristup Informacionom sistemu EUDR-a:

<https://eudr.webcloud.ec.europa.eu/tracesnt/login>

Sertifikacija kaučuka:

<https://adria-balkan.fsc.org/en/eu-legislation/eudr>

Sertifikacija palminog ulja:

<https://rspo.org/why-sustainable-palm-oil/eudr/>

30. 6. 2026.

30. 12. 2025.



EUDR